

沈乃文 主編

明別集叢刊 第三輯

第二十七冊

黃山書社



國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第二十七冊

黃山書社



(明)張居正 著

新刻張太岳先生集四十七卷

清刻本

江陵張文忠

公文集

張太岳集序



太岳張公集若干卷即公之
相業也當時

主上以冲齡踐祚舉天下大政一

一委公公亦感

張太岳文集

序

十

上恩遇直以身任之思欲一切修

明

祖宗之法而綜覈名實信賞必罰

嫌怨不避毀譽利害不恤中
外用是凜凜蓋無不奉法之

吏而

朝廷亦無格焉而不行之法十

餘年間海宇清宴蠻夷賓服

不可謂非公之功也惟是人

情憚檢束而樂因循積玩既

張太岳文集

序

上

久一旦以法繩之若見以爲

苛而公持之益堅爭之益力

以是遂與世齟齬而又一二

非常之事有衆人未易測識

者其跡不無似愎似少容似

專權似純任霸術似與金革
變禮終未盡合

上一時雖優容實已不能無疑比
公旣謝世言者益譸張其詞

上眷寵始移而公家之禍于是不

張太岳文集

序

三

可解矣至今觀場者猶多煩
言願其先法後情先

國事後身家任勞任怨以襄成

萬厯十年太平之理我

明相業指固未易多屈也藉令

後人循其已定之規摹而但

稍濟以寬緩亦自可以收拾

人心保回元氣顧乃不深惟

其終而但畏多口遂盡反其

所爲以取悅一時卒使紀綱

張太岳文集

序

四

陵遲浸淫以至今日幾無法

矣世道人心識者有隱憂焉

誰階之厲豈非公之罪人哉

公生平不屑為文人然其制

作實亦非文人所能爲濡毫

伸腕悉經世大猷自奏對代言在

天子左右蘭臺石室外遭禍後藁多散逸無存即存亦秘藏無傳者迄今二十餘年而厥嗣

張太岳文集

序

五

殿元君始蒐求遺業僅得什一於舊書記刻之嗟乎斯亦禁鼎一爨嘗者可以知其味已余往守翰林公與新鄭時同在政府其初謀斷相資豪

傑自命即丙魏房杜固未肯多讓也無奈宵人從中構之遂爾隙末以致人言紛紛而上之恩遇亦因以不終焉世遂兩詬之其實兩公者皆

張太岳文集

序

六

社稷重臣未可輕訾也近新鄭公論大明業已蒙

恩追卹而海內亦漸多思公功有形之章奏者可見直道在人
心不容泯是非未有久而不

定者況

皇上無私如天地踣碑立碑斷非

有成心昭雪表章是在主持

世教之君子旦夕林莽之人

固不足為公重要之公功業

張太岳文集

序

七

在天壤間亦非待人重者特

因殿元君遠來謁序聊書此

以歸之

皆

萬曆壬子歲重九日

賜同進士出身柱國光祿大夫少

保兼太子太保禮部尚書文

淵閣大學士知

制誥同知

經筵前翰林院庶吉士門生沈鯉

張太岳文集

序

八

頓首拜譔



序全

書太岳先生文集後

楚客來自江陵携先生文集四種詩六卷文十四卷書牘十五卷奏對十一卷不肖一一讀之嘆曰先生

不刻意為文而莊雅冲夷真醇正大無奇譎之態無藻績之色無柔曼之容無豪宕之氣讀其文而得其所以為文見宏邃之養焉

見精明之識焉見剴割之

才焉見篤實之學焉而豐功偉績昭揭宇宙至今不可磨滅者則一言以蔽之曰任

莊皇帝之棄羣臣也

今上以十齡御九五雖天縱鉤齊夏邁今昔而聖不自用委任老成當是時兩宮有並后之尊諸璫操得

肆之權外咸有黃緣之藉
宣大值那吉之入兩廣興
懷遠之師海內多頽靡之
政當斯任者顧不難與先
生念

張太岳文集

序

十一

頌命之重受

聖主之知以六合重擔荷之
兩肩以四海欣戚會為一
體無所諉托毅然任之顧
任天下之勞易任天下之

怨難先生以一身係

社稷安危愛憎毀譽等於浮
雲以

君德之成敗責經筵故帝鑑
有圖日講有規以監局之

張太岳文集

序

十二

縱良關治亂故付之主者
嚴其約束立考成以督撫
按節驛遞以恤民窮限進
取以重學校覈地畝以杜
分欺額舉刺以塞私門併

催科以繩勢逋重誅遣以
儆貪殘申宗藩之例裁冗
濫之員核侵渙之餉清隱
占之屯嚴大辟之刑俾九
圍之人兢兢輯志慢肆之

吏凜凜奉法橫議之士息
邪說而尊王事可安常者
不更張以開後釁之端時
當通變者不因循以養極
重之勢維泰山而捧金甌

俾內難不萌外患不作此
無敵國之禮南無擅命之
雄五兵朽鈍四民乂康此
之為功伊誰功哉則先生
肯任之心勝任之手斷斷

乎其敢任之効也設先生
避艱險計身家藉
一人殊眷結四海懼心

國家威福儘足以供之其誰
不悅即不然而優游暇逸

循敎輒守陋規上下習而
安之其誰生怨而先生不
為也先生之言曰吾已忘
家徇國遑恤其他雖機穽
滿前衆鏃攢體不之畏也

張太岳文集

序

十五

噫伊尹之任寧是過乎然
位極有可避之嫌事盡有
必反之勢先生日月之食
固其所不諱而言者洩溺
垢穢之不遺餘力後來者

索矍之震抑奪之牛矣至
今父老憶海晏河清之時
士大夫追綱舉目張之日
有穆然思慨然歎者功過
相準宜有定評成季之勲

張太岳文集

序

十六

宣孟之忠猶當十世宥十
年

社稷之功

聖主豈能終忘異日必有為
之湔白者則恃有此刻在

夫奏對載之

國史書牘副在往來者之家

藏不可欺也事久論定愈

久則愈定不肖跋一言於

簡末俟公虛之君子考焉

張太岳文集

序

十七

萬曆壬子中秋梁宋間散人

寧陵門生呂坤頤首拜言



序全

編次先公文集凡例敬題

先公文集在舊記室所者自嗣修等逢難
十餘年後始得完歸存者十八逸者十二
如少年所作諸賦全逸 應制詩

勅撰文逸十之二僅據存者編次之凡為詩
六卷為文十四卷為書牘十五卷為奏對
十一卷合之則為全集離之亦可四種嗣
修等雖不能讀父書然竊見先公詩擬盛

張太岳文集

凡例

十

唐十二家而亦未專事模擬文擬兩漢而
亦未全師漢語若書牘則極其意所至奏
對則極其誠所敷皆精誠之所獨注也律
之以才人之致則非銅龍篆刻自矜其才
律之以事功之臣則非椎魯質直不顯其
才大雅則無奇而炫奇者又似不及蓋由
質以徵奇則見其抱負奇結構奇踐履奇
得禍亦奇由奇以徵實則見其抱負實結

擇實踐履實得禍亦實總之未可以常品
目之昔向歆著書父子異議不肖等老矣
且就木焉而一班之見不敢有異議於先
公乃私評之如此托梓諸以倘家乘倘旂
常大老文章鉅公搜逸闡幽留心國故得
賜一言以冠諸首則白日責於覆盆青雲
起夫枯骨違衆非以一是即一是以萬年
死者不朽存者不朽非不肖小子輩所敢

張本堂文集

凡例

二

望也此外著述尚有帝鑑圖說四書直解
書經直解通鑑直解板俱在內閣而四書
書經直解又皆詞林名公體貼大全撰集
而先公裁定極切於舉業者又有謨訓類
編大寶箴註貞觀政要解皆以進

御家無存稿因并記於此

書牘凡例敬題

先公書牘自舊記室所携來蓋嗣修等遭

家難十餘年所而手澤完歸考其年月似
裁答俱無恙也或有舉其官缺其號或有
舉其號缺其官或官號俱備或直舉其諱
凡例不定嗣修等不敢以己意追補仍其
舊日授書記語耳謹次為編年始隆慶元
年初入相也終萬曆十年訖告終也釐為
十三卷蓋其廟勝既審循實而行雖名簡
續實同文移記始至終成績可鏡所以明

張本堂文集

凡例

三

相業微勞也又二卷報答知己若徐高碩
王最著者人為一類各有編年所以明師
友誼義也其示懋修手澤附之於末所以
略見庭訓之最著者也其翰林時附見於
後者何緣未當事寒溫之問不能悉錄錄
其尤著者十餘篇所以明志學也志學宜
在前而更居後者何先公之言後多踐履
所以明先行其言而後從之之義也存此